

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Sluzbene novine FBiH", broj: 15/05), i Programa podrške projektima održivog povratka - Izgradnja i/ili opremanje mini farmi brojlera, broj: 03-36-2-47/17 od 02.03.2017. godine, a u cilju planiranja, kvalitetne izrade i transparentne provedbe planova pomoći održivog povratka, u 2017. i 2018. godini Federalno ministarstvo raseljenih osoba i izbjeglica objavljuje

JAVNI POZIV

za učešće u Programu podrške projektima održivog povratka - Izgradnja i/ili opremanje mini farmi brojlera

I - PREDMET JAVNOG POZIVA

Predmet javnog poziva je prikupljanje prijava za odabir korisnika pomoći za podršku projektima održivog povratka kroz izgradnju i opremanje mini farmi brojlera (kapaciteta 5.000 i 10.000 brojlera), u cilju zapošljavanja/samozapošljavanja povratnika.

II – PRAVO NA UČEŠĆE U PROGRAMU

(1) Pravo na učešće u programu imaju fizička lica:

a) **fizička lica koja su već pokrenula realizaciju projekta izgradnje mini farme brojlera i ispunjavaju sljedeće uslove:**

- da su povratnici u prijeratno mjesto prebivališta na području Republike Srpske;
- da imaju registrovanu komercijalnu djelatnost/gazdinstvo na svoje ime u mjestu povratka;
- da raspolažu imovinom i resursima potrebnim za djelatnost na svoje ime ili na ime člana domaćinstva sa kućne liste u mjestu povratka, kao što su: zemljište, objekti, priključak struje, pristupni put i slično;
- da su spremni sufinansirati projekat do 50% vlastitim sredstvima;
- da imaju glavni projekat sa svim potrebnim parametrima za izgradnju i opremanje mini farme brojlera maksimalnog kapaciteta do 10.000 brojlera;
- da imaju građevinsku dozvolu za izgradnju mini farme brojlera, na svoje ime u mjestu povratka;
- da su namjenski utrošili i opravdali utrošak sredstava ako su ranije koristili određenu pomoć Federalnog ministarstva raseljenih osoba i izbjeglica (u daljem tekstu: Ministarstvo) za izgradnju ili opremanje mini farmi brojlera;
- da će u roku od 6 mjeseci uposliti minimalno jednog novog radnika/povratnika na period ne kraći od 24 mjeseca.

b) **fizička lica koja su zainteresovana za izgradnju mini farme brojlera po tipskom modelu farme i ispunjavaju sljedeće uslove:**

- da prihvataju da grade objekat mini farme brojlera u svemu prema tipskom projektu (modelu) koji je pripremljeno ministarstvo;
- da su povratnici u prijeratno mjesto prebivališta na području Republike Srpske;
- da žive na adresi prijeratnog prebivališta;
- da se nalaze na evidenciji J.U. Zavoda za zapošljavanje Republike Srpske u općini povratka;
- da imaju ili su spremni registrovati komercijalnu djelatnost, na svoje ime u mjestu;
- da raspolažu imovinom i resursima potrebnim za djelatnost, kao što su: zemljište, priključak struje, pristupni put, vodosnabdjevanje i slično;
- da su spremni sufinansirati projekat do 50% vlastitim sredstvima;
- da su spremni obezbjediti u zadanom roku glavni projekat sa svim potrebnim parametrima za izgradnju i opremanje mini farme brojlera;
- da su spremni obezbjediti u zadanom roku građevinsku dozvolu, na svoje ime, za izgradnju mini farme brojlera, kao i sve potrebne saglasnosti za izgradnju mini farme brojlera ili se nalazi u fazi prikupljanja istih;
- da su namjenski utrošili i opravdali utrošak sredstava ako su ranije koristili određenu pomoć Ministarstva za izgradnju ili opremanje mini farmi brojlera;
- da će u roku od 6 mjeseci uposliti minimalno jednog radnika / povratnika.

Napomena: Ministarstvo je pripremljeno model- idejni projekat mini farme brojlera kapaciteta 5.000 i 10.000 komada. Svi budući korisnici svoje farme moraju graditi isključivo prema pripremljenom modelu.

(2) Pravo na dodjelu sredstava imaju fizička lica iz stava (1) ovog člana ako projekat planiraju realizirati i imaju prijavljeno prebivalište, na području sljedećih općina :

Bosanska Kostajnica, Kozarska/Bosanska Dubica, Gradiška/Bosanska Gradiška, Novi Grad/Bosanski Novi, Kotor Varoš, Prijedor, Prnjavor, Teslić, Foča RS, Han Pijesak, Novo Goražde, Pale RS, Rogatica, Rudo, Sokolac, Višegrad, Nevesinje, Gacko, Bratunac, Srebrenica, Osmaci, Vlasenica, Zvornik, Ugljevik, Lopare, Bijeljina, Bosanski Brod, Derвента, Doboj, Modriča, Šamac, Pelagićevo i Vukosavlje.

- (3) Ukoliko podnosilac prijave ne ispuni naprijed navedene uslove, prijava neće biti uzeta u dalje razmatranje.

III – NAMJENA POMOĆI

Donirana pomoć se može koristiti za izgradnju i/ili opremanje mini farme brojlera, kroz:

- dodjelu građevinskog materijala;
- dodjelu opreme;
- dodjelu građevinskog materijala i opreme;
- za izgradnju mini farme brojlera po sistemu „ključ u ruke“.

IV – CILJEVI KOJI SE ŽELE POSTIĆI

Ciljevi koji se žele postići su:

Stvoriti uslove za zapošljavanje/samozapošljavanje, ekonomsko osnaživanje povratnika i poboljšanje kvaliteta življenja u lokalnim zajednicama, radi osiguranja što većeg stepena održivosti povratka u Republiku Srpsku.

V- MAKSIMALAN IZNOS SREDSTAVA

Pomoć iz člana 3. ovog programa dodjeljivaće se u skladu sa raspoloživim budžetskim sredstvima i dostavljenim glavnim projektom od strane korisnika, a maksimalna vrijednost odobrene pomoći po jednom korisniku ne može biti veći od 100.000,00 KM.

VI- NAČIN FINANSIRANJA

U ukupnom iznosu pomoći:

- a. korisnik učestvuje sa 40% vlastitog učešća, a Ministarstvo u iznosu od 60% - ako su pitanju mini farme brojlera kapaciteta 5000 komada.
- b. korisnik učestvuje sa 50% vlastitog učešća, a Ministarstvo u iznosu od 50% - ako su pitanju mini farme brojlera kapaciteta 10.000 komada

Korisnik vlastito učešće uplaćuje avansno na račun izabranog dobavljača/izvođača radova.

VII – NAČIN PRIJAVE I POTREBNA DOKUMENTACIJA

Kandidat prilikom prijave na Javni poziv obavezno dostavlja:

- a) **PRIJAVNI OBRAZAC** (popunjen), koji čini sastavni dio ovog Programa i koji se može dobiti u Ministarstvu ili putem web stranice Ministarstva.

- b) **OBAVEZNA DOKUMENTACIJA:**

1. fizička lica koja su već pokrenula realizaciju projekta izgradnje mini farme brojlera

- uvjerenje/potvrda o povratku izdata od strane nadležnog organa za općinu/opštinu povratka, original ili ovjerena kopija ne starija od 90 dana od dana objave javnog poziva. (ovjera mora biti od nadležne institucije: notar ili općina);
- izvještaj iz CIPS evidencije prebivališta-boravišta u mjestu povratka, ne stariji od 30 dana od dana objave javnog poziva, original ili ovjerena fotokopija (ovjera mora biti od nadležne institucije: notar ili općina);
- Potvrda o registraciji komercijalne djelatnosti, na svoje ime u mjestu povratka, original ili ovjerena kopija. (ovjera mora biti od nadležne institucije: notar ili općina);
- ZK izvadak ili posjedovni list na ime aplikanta ili člana domaćinstva sa kućne liste u mjestu povratka, sa naznakom površine obradive zemlje, ili neki drugi dokaz kojim se može potvrditi uslovnost i vlasništvo ili efektivno korištenje nekretnine u mjestu povratka, na kojoj se tražena pomoć može optimalno iskoristiti, odnosno da ima obezbjeđene uslove za izgradnju objekta adekvatnog za uzgoj brojlera (zemljište, objekti, priključak struje, pristupni put i slično); original ili ovjerena kopija. (ovjera mora biti od nadležne institucije: notar ili općina);
- izjava o spremnosti sufinansiranja projekta u iznosu do 50% , (ovjerena od strane općinske službe za ovjeru potpisa ili kod notara)
- glavni projekat sa svim potrebnim parametrima za izgradnju i opremanje mini farme brojlera;
- građevinska dozvola za izgradnju mini farme brojlera, na svoje ime u mjestu povratka. original ili ovjerena kopija (ovjerena od strane općinske službe za ovjeru potpisa ili kod notara);

- izjava o dosadašnjem korištenju/nekorištenju donacija Ministarstva za izgradnju i/ili opremanje mini farme brojlera (izjavu daje aplikanta u lično ime i u ime svih punoljetnih članova domaćinstva);
- izjava spremnosti upošljavanja minimalno jednog radnika/povratnika na period ne kraći od 24 mjeseca (ovjerena od strane općinske službe za ovjeru potpisa ili kod notara).

2. fizička lica koja su zainteresovana za izgradnju mini farme brojlera po tipskom modelu farme

- izjava (ovjerena od strane općinske službe za ovjeru potpisa ili kod notara) da prihvataju da će, u slučaju da budu odabrani za korisnika donacije, svoju mini farmu brojlera graditi u svemu prema modelu (projektu) koji je pripremila ministarstvo;
- uvjerenje/potvrda o povratku izdata od strane nadležnog organa za općinu/opštinu povratka, original ili ovjerena fotokopija;
- izvještaj iz CIPS evidencije prebivališta-boravišta u mjestu povratka, ne stariji od 30 dana od dana objave javnog poziva, original ili ovjerena fotokopija (ovjera mora biti od nadležne institucije: notar ili općina);
- potvrda da se nalazi na evidenciji J.U. Zavoda za zapošljavanje Republike Srpske u općini povratka original ili ovjerena fotokopija izvještaj iz CIPS evidencije prebivališta-boravišta u mjestu povratka, ne stariji od 30 dana od dana objave javnog poziva, original ili ovjerena fotokopija (ovjera mora biti od nadležne institucije: notar ili općina);
- potvrda o registraciji komercijalne djelatnosti, na svoje ime u mjestu povratka, odnosno uvjerenje da je pokrenut postupak registracije ili izjava o spremnosti registracije komercijalne djelatnosti kod nadležnog općinskog organa za obavljanje djelatnosti za koju se podnosi prijava nakon potpisivanja ugovora o odobravanju pomoći;
- ZK izvadak ili posjedovni list na ime aplikanta ili člana zajedničkog domaćinstva u mjestu povratka, sa naznakom površine obradive zemlje, potvrda o uslovnosti objekta ili neki drugi dokaz kojim se može potvrditi uslovnost i vlasništvo ili efektivno korištenje nekretnine u mjestu povratka, na kojoj se tražena pomoć može optimalno iskoristiti, odnosno da ima pripremljeno zemljište i ostalu infrastrukturu za uzgoj brojlera (zemljište, objekti, priključak struje, pristupni put i slično);
- izjava o spremnosti sufinansiranja projekta u iznosu do 50% (ovjerena od strane općinske službe za ovjeru potpisa ili kod notara);
- izjava da će u zadanom roku obezbjediti glavni projekat sa svim potrebnim parametrima za izgradnju i opremanje mini farme brojlera (ovjerena od strane općinske službe za ovjeru potpisa ili kod notara);
- izjava da će u zadanom roku obezbjediti građevinsku dozvolu za izgradnju mini farme brojlera, na svoje ime u mjestu povratka (ovjerena od strane općinske službe za ovjeru potpisa ili kod notara);
- izjava o dosadašnjem korištenju/nekorištenju donacija Ministarstva za izgradnju i/ili opremanje mini farme brojlera (izjavu daje aplikant u lično ime i u ime svih punoljetnih članova domaćinstva) (ovjerene od strane općinske službe za ovjeru potpisa ili kod notara)
- izjava o spremnosti upošljavanja minimalno jednog radnika/povratnika na period ne kraći od 24 mjeseca (ovjerena od strane općinske službe za ovjeru potpisa ili kod notara).

c) DOKUMENTACIJA ZA BODOVANJE:

Ovi dokazi nisu obavezni ali će se na osnovu istih izvršiti bodovanje aplikacija

Kriterij 1: Ranija korištenost/nekorištenost finansijskih sredstava ili drugih oblika pomoći za održivi povratak od strane Federalnog ministarstva raseljenih osoba i izbjeglica za sve punoljetne članove domaćinstva sa kućne liste;

- Dokaz: Izjava o korištenju/nekorištenju, vrsti i vrijednosti pomoći za održivi povratak, ovjerena kod nadležnog općinskog organa ili notara, za sve punoljetne članove domaćinstva sa kućne liste, (original ne starija od mjesec dana od dana prijave na JO);
- **U slučaju da se utvrdi da su date izjave u neskladu sa postojećom bazom podataka, Ministarstvo zadržava pravo da prijavu isključi iz dalje procedure izbora korisnika.**

Kriterij 2: Broj i starosna dob članova porodice/osoba koje žive u zajedničkom domaćinstvu sa podnosiocem zahtjeva u općini povratka;

- Dokaz: Kućna lista izdata u općini povratka sa podacima o broju, starosti i srodstvu članova domaćinstva, (original, ne starija od 1 (jedan) mjesec od dana prijave na JO) sa Izvještajima iz CIPS evidencije prebivališta-boravišta u općini povratka sve članove domaćinstva (original ili ovjerena

- Dokaz: uvjerenje/potvrda o pripadnosti ranjivoj kategoriji izdata od strane nadležnog organa (original ili ovjerena kopija ne starija od 6 (šest) mjeseci).

Kriterij 4: Nezaposlenost punoljetnih članova domaćinstva;

- Dokaz: Potvrda da se članovi domaćinstva nalaze na evidenciji J.U. Zavoda za zapošljavanje Republike Srpske u općini povratka (original ili ovjerena kopija ne starija od 3 (tri) mjeseca).

Kriterij 5: Dodatno zapošljavanje

- Dokaz iz općih kriterija- Izjava o spremnosti upošljavanja radnika/povratnika, ako je taj broj 2 ili više novoupisanih kroz program.

VIII - NAČIN IZBORA KORISNIKA

Izbor korisnika po osnovu ovog javnog poziva će vršiti komisija koju imenuje Federalni ministar. Komisija će razmatrati prijave u skladu sa Programom podrške projektima održivog povratka - Izgradnja i/ili opremanje mini farmi brojlera, broj: 03-36-2-47/17 od 02.03.2017.godine i odredbama ovog javnog poziva.

IX NAČIN PODNOŠENJA PRIJAVA NA JAVNI POZIV

Dostavljanje prijava na Javni poziv se vrši preporučeno poštom ili lično, u zapečaćenoj koverti na adresu:

Federalno ministarstvo raseljenih osoba i izbjeglica

Alipasina 41, 71000 Sarajevo

„Prijava na Javni poziv za učešće u Programu - Izgradnja i/ili opremanje mini farmi brojlera”

(Na poledini koverta navesti ime i prezime podnosioca i tacnu adresu)

Javni poziv ostaje otvoren 14 dana od dana objavljivanja

Dodatne informacije mogu se dobiti na tel: 033/201-756 i 033/205-543

Preliminarne, a nakon provedenog žalbenog postupka i konačne rang liste, po ovom Javnom pozivu će biti objavljene na web stranici Federalnog ministarstva raseljenih osoba i izbjeglica, a obavijest o donošenju istih u dnevnim novinama u kojima je objavljen i ovaj Javni poziv.

Broj: 03-36-2-47-1/17

Sarajevo: 06.03.2017. g.



dr. sci. Edin Ramić